



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՇՎԵՔՆՆԻՉ ՊԱԼԱՏ
ՈՐՈՇՈՒՄ

2020 թվականի *հայրիկ 26-ի* N 92-2

ՀԱՇՎԵՔՆՆԻՉ ՊԱԼԱՏՈՒՄ ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳԻ ՍՏԵՂԾՄԱՆ
ՀԱՅԵՑԱԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Հաշվեքննիչ պալատի մասին» Հայաստանի Հանրապետության օրենքի 16-րդ հոդվածի 9-րդ մասի 9-րդ կետով՝ Հաշվեքննիչ պալատը

Ո Ր Ո Շ ՈՒ Մ Է՝

1. Հաստատել Հաշվեքննիչ պալատում որակի կառավարման համակարգի ստեղծման հայեցակարգը՝ համաձայն սույն որոշման հավելված 1-ի:
2. Սահմանել Հաշվեքննիչ պալատի ֆինանսական, հսկողության և կառավարչական գործընթացների հետ կապված ռիսկերի կառավարման արդյունավետությունը բարձրացնելու նպատակով հաշվեքննիչ պալատում որակի կառավարման համակարգի ստեղծման ժամանակացույց՝ համաձայն սույն որոշման հավելված 2-ի:
3. Սույն որոշումն ուժի մեջ է մտնում հրապարակմանը հաջորդող օրվանից:

ՀԱՇՎԵՔՆՆԻՉ ՊԱԼԱՏԻ
ՆԱԽԱԳԱՀ

Ժ. Յուզբաշև Լ. ՅՈՒՅԱՆ

ՀԱՅԵՑԱԿԱՐԳ ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳԻ ՁԵՎԱՎՈՐՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Որակի կառավարման համակարգի (այսուհետ՝ Համակարգ) ստեղծման հայեցակարգը (այսուհետ՝ հայեցակարգ) կարգավորում է Հաշվեքննիչ պալատում Համակարգի ստեղծման նախադրյալները, Համակարգի տարրերը, յուրաքանչյուր տարրի շրջանակում իրականացման ենթակա միջոցառումները, որոնք թույլ կտան ապահովել Համակարգի ներդրումը և արդյունավետ գործունեությունը Հաշվեքննիչ պալատում, ինչպես նաև Համակարգի գործառույթի իրականացման հետ կապված այլ հարաբերություններ:

2. ՈՐԱԿԻ ԿԱՌԱՎԱՐՄԱՆ ՀԱՄԱԿԱՐԳԸ

2. Համակարգը՝ Հաշվեքննիչ պալատի կողմից իրականացվող աշխատանքների որակին սպառնացող ռիսկերին արձագանքն է:

3. Համակարգի ստեղծման նպատակն է ապահովել, որ Հաշվեքննիչ պալատը հաշվեքննություններն իրականացնի օրինականության և տնտեսման, նպատակային ու ծախսային արդյունավետության սկզբունքների համաձայն, ինչպես նաև բարձրացնել Հաշվեքննիչ պալատի ֆինանսական, հսկողության և կառավարչական գործընթացների հետ կապված ռիսկերի կառավարման արդյունավետությունը:

4. Համակարգի ստեղծմամբ (ներդրմամբ) Հաշվեքննիչ պալատում ձևավորվում է որակի հսկողության համապարփակ շրջանակ, որն առնչվում է Հաշվեքննիչ պալատի կողմից իրականացվող բոլոր տեսակի հաշվեքննությունների, ինչպես նաև ֆինանսական, հսկողության և կառավարչական գործընթացների որակի համակարգին:

5. Համակարգը բաղկացած է հետևյալ տարրերից (բաղադրիչներից)՝

- 1) ռիսկերի կառավարման համակարգ,
- 2) հաշվեքննությունների իրականացման վերաբերյալ որոշումների կայացում,
- 3) հաշվեքննությունների իրականացում,
- 4) կատարողականի ցուցիչներ և կատարողականի ինքնագնահատումներ,
- 5) մշտադիտարկում,
- 6) մարդկային ռեսուրսներ,
- 7) էթիկայի պահանջներ,

8) Հաշվեքննիչ պալատում որակի համար առաջնորդության պատասխանատվություն:

3. ՌԻՍԿԵՐԻ ԿԱՌԱՎԱՐՄԱՆ ՀԱՄԱԿԱՐԳԸ

6. Ռիսկերի կառավարման համակարգը ռազմավարական և գործառնական կառավարման գործիք է՝ միտված այն հիմնական ռիսկերի բացահայտմանը, հսկողությանը, մշտադիտարկմանը և կանխմանը, որոնք կարող են ազդել Հաշվեքննիչ պալատի առջև դրված խնդիրների և նպատակների լուծման համար իրականացվող աշխատանքների որակին:

7. Հաշվեքննիչ պալատի ռիսկերի կառավարման համակարգը ամփոփում է իր մանդատի որակյալ իրականացումը վտանգող բոլոր մարտահրավերները՝ սկսած իրավական և կազմակերպչական հարցերից մինչև առանձին հաշվեքննության առաջադրանքին առնչվող ռիսկերը:

8. Ռիսկերի կառավարման համակարգի ներդրումը ենթադրում է հետևյալ միջոցառումների իրականացումը՝

1) ռիսկերի կառավարման քաղաքականության մշակում, որի միջոցով բացահայտվում են Հաշվեքննիչ պալատի առջև ծառացած հիմնական ռիսկերը, նախանշվում են այդ ռիսկերի զսպման ուղիները և դրանց կառավարման գծով պարտականությունների բաշխումը: Հաշվեքննիչ պալատի գործունեությանն առնչվող ներքին և արտաքին ռիսկերը կարող են ներառել՝

ա. ռազմավարական ռիսկեր՝ կապված սահմանված ռազմավարական նպատակներին հասնել չկարողանալու հետ,

բ. մարդկային ռեսուրսներին առնչվող ռիսկեր՝ կապված աշխատակիցների որակավորման մակարդակի, փորձառության ոչ բավարար մակարդակի, ղեկավար-աշխատակից հարաբերությունների և աշխատանքային պայմանների հետ,

գ. գործառնական ռիսկեր՝ կապված ներքին գործընթացների և ռեսուրսների կառավարման թերությունների հետ, ինչպես նաև արտաքին իրադարձություններից ծագող ռիսկեր, որոնք կարող են բացասաբար ազդել Հաշվեքննիչ պալատի գործունեության վրա,

դ. իրավական ռիսկեր՝ կապված սահմանված իրավական պահանջները կատարել չկարողանալու հետ,

ե. համբավի ռիսկ՝ կապված Հաշվեքննիչ պալատի հեղինակության և վստահելիության վրա բացասական ազդեցության ներուժ ունեցող հանգամանքների հետ,

զ. ֆինանսական ռիսկեր՝ կապված բյուջետային ռիսկերի հետ, արդյունավետ ֆինանսական կառավարում և հաշվետվողականություն չապահովելու հետ:

2) ռիսկերի ռեգիստրի ստեղծում, որը պարունակում է՝

ա. յուրաքանչյուր բացահայտված ռիսկի բնույթի նկարագրությունը,